



Thüringer Universitäts- und
Landesbibliothek Jena

Bibliotheca Electoralis [Konvolut: Sign. 2 Op.theol.IV,91/1]

2 Op.theol.IV,91/1

https://collections.thulb.uni-jena.de/receive/HisBest_cbu_00013546

urn:nbn:de:urmel-39d283bb-ae6a-43d7-8ead-2151e1bcbccc0-00002514-0017

Lizenz: <https://creativecommons.org/licenses/by-nc-sa/4.0/>



quia si solvatur facit capio: quod est in egrum: & conficio facit facio & similia.

Blatius singularis regit genitium dativum & ablativum pluralem secundum regulas in arte positas. Sed illud quod dicit ablativum e producta uel correpta terminato: ita intelligendum est. ut tunc producta sit: quotiens genitivus singularis ei terminatus sit cum uero is fuerit terminatus idem genitivus singularis: ut huius patris ab hoc patre. Ideo autem latini uoluerunt ab ablativo singulari regulas sumere quoniam hic casus latinus est: nec eum habet graeci: & ille utique casus debuit regulas latinis nominibus dare qui proprius latinorum est. Omnia nomina quae in rerum natura sunt quinque regulis continentur quae regulae apud donatum non sunt propter compendium tamen tenenda sunt. Colliguntur autem istae regulae de genitivo singulari. Nam hic casus quinque finibus terminatur aut a diphthongo: ut musa musae: aut i ut doctus docti: aut is ut pater patris: aut us ut fluctus huius fluctus: aut ei ut hic uel haec dies huius diei. Ergo cum inuenerimus aliquod nomen de cuius declinatione dubitatur: quae rundus nobis erit praecipue genitivus qui inuentus si fuerit terminatus ad similitudinem musae declinabitur ita & in reliquis fiet. Sed constat graeca nomina etiam graece posse declinari. Plane duos praecipue casus in his regulis sollicite proferre debemus. Vocativum secundae declinationis & ablativum tertiae in quibus contra regulas plurimum sibi assumpsit auctoritas. Vocativus enim singularis secundae declinationis tum in i exhibit cum nominativus singularis in ius fuerit terminatus in genere Masculino in proprio nomine ut hic Mercurius. O Mercuri. Hoc enim nomen ius terminat nominativum & Masculinum est & proprium. Si autem nominativus: Vs terminatur: ut hic doctus. Vocativum facit. O. docte: & si appellativum sit licet ius terminatur: ut hic impius. O impie. Hic egregius. o. egregie. At huic regulae contrarium est hic filius O fili. Quare maiores nostri timentes ipsum uocativum similem fecerunt nominativum. Ut Virgilius dicit. Corniger hesperidum fluvius regnator aquarum: & Lucius Octavius iudex. Ablativus uero tertiae declinationis: qui: &. i. & e. terminatur: multum confusus est tamen hoc servare debemus: ut cum nomen fuerit generis communis: quod in is mittit nominativum & genitivum: ablativum. i. terminemus: ut hic & haec docilis: ab hoc & ab hac docili. Item neutra omnia quae. e. terminantur in nominativum: ut hoc mare: ab hoc mari Ea uero quae. x. littera terminant in. e. exeunt: ut hic calix ab hoc calice: Haec pellex ab hac pellice: haec lex ab hac lege: & similia. Item omnia participia. e. terminant: ut ab hoc calente ab hoc furere: quae si nomina fuerint i. magis terminabunt. Item quae or. terminant in nominativum ut doctior: clarior: minor: maior: facit enim a doctiore clariore: minore: maiore. Reliqua uero sic ambigua sunt ut uix etiam auctoritate firmetur. Nam ab hac naui & ab hac naue legimus: & ab hac puppi & ab hac puppe & ab hoc igni & ab hoc igne. In quibus oibus meliorum auctoritas sequenda est.

Ronomine dictum est quia ponitur pro nomine ut si quis dicat Virgilius scripsit Bucholica: ipse scripsit. Georgica: Nec tamen videntur pronomina. quoniam nomina funguntur officio: esse nomina. Nam & si nominum uim exprimunt non tamen plene exprimunt. Nomina enim posita plenas faciunt elocutiones. Pronomina semiplenas Item nomina posita uelut ichoat elocutiones Pronomina autem uelut complent. Qualitas pronominum principaliter bipartita est. Omnia enim pronomina aut finita sunt: aut infinita: Finita sunt quae recipiunt personas id est quae definiunt personas & sunt tantum tria. ego. tu. ille. sed ille plerumque variatur. Nam si ad praesentis personam refert tunc recte finitum est: si de absente dicatur minus quam finitum est. Infinita autem pronomina varias habent species. Nam licet omnia quaecumque non recipiunt personas infinita sunt tamen